

लघु समाधिमरण-पाठ  
Laghu Samādhimaraṇa-Pāṭha

कविश्री द्यानतराय  
Kaviśrī Dyānatarāya

गौतमस्वामी वंदूं नामी, मरणसमाधि भला है ।  
में कब पाऊँ निशदिन ध्याऊँ, गाऊँ वचन-कला है ॥  
देव-धर्म-गुरु प्रीति महा दृढ़, सप्त-व्यसन नहिं जाने ।  
त्यागे-बाइस-अभक्ष संयमी, बारह-व्रत नित ठाने ॥१॥

Gautamasvāmī vandurṁ nāmī, maraṇasamādhi bhalā hai ।  
Mairṁ kaba pā'ūṁ niśadina dhyā'ūṁ, gā'ūṁ vacana-kalā hai ॥  
Dēva-dharma-guru prīti mahā dṛṛha, sapta-vyasana nahirṁ jānē ।  
Tyāgē-bā'isa-abhakṣa sanyamī, bāraha-vrata nita ṭhānē ॥1॥

चक्की-उखरी-चूली-बुहारी-पानी त्रस न विराधे ।  
बनिज करे परद्रव्य हरे नहिं, छहों कर्म इमि साधे ॥  
पूजा शास्त्र गुरुन की सेवा, संयम तप चहुँ दानी ।  
पर-उपकारी अल्प-अहारी, सामायिक-विधि-ज्ञानी ॥२॥

Cakkī-ukharī-cūli-buhārī-pānī trasa na virādhē ।  
Banija kare paradrava hare nahirṁ, chahōṁ karma imi sādhe ॥  
Pūjā śāstra guruna kī sēvā, sanyama tapa cahumṁ dānī ।  
Para-upakārī alpa-ahārī, sāmāyika-vidhi-jñānī ॥2॥

जाप जपे तिहुँ योग धरे दृढ़, तन की ममता टारे ।  
अन्त-समय वैराग्य सम्हारे, ध्यान-समाधि विचारे ॥  
आग लगे अरु नाव डुबे जब, धर्म-विघन जब आवे ।  
चार-प्रकार आहार त्याग के, मंत्र-सु मन में ध्यावे ॥३॥

Jāpa japē tihumṁ yōga dharē dṛṛha, tana kī mamatā ṭārē ।  
Anta-samaya vairāgya samhārē, dhyāna-samādhi vicārē ॥  
Āga lagē aru nāva ḍubē jaba, dharma-vighana jaba āvē ।  
Cāra-prakāra āhāra tyāga kē, mantra-su mana mēm dhyāvē ॥3॥

रोग-असाध्य जरा बहु देखे, कारण ओर निहारे ।  
बात बड़ी है जो बनि आवे, भार-भवन को टारे ॥  
जो न बने तो घर में रह करि, सब सों होय निराला ।  
मात पिता सुत तिया को सौंपे, निज परिग्रह तिहि काला ॥४॥  
Rōga-asādhyā jarā bahu dēkhē, kāraṇa ōra nihārē ।  
Bāta baṛī hai jō bani āvē, bhāra-bhavana kō ṭārē ॥  
Jō na banē tō ghara mēm raha kari, saba sōm hōya nirālā ।  
Māta pitā suta tiyā kō saumpe, nija parigraha tihi kālā ॥4॥

कुछ चैत्यालय कुछ श्रावकजन, कुछ दुःखिया धन देई ।  
क्षमा-क्षमा सब ही सों कहिके, मन की शल्य हनेई ॥  
शत्रुन सों मिल निज कर-जोरे, मैं बहु-कीनी बुराई ।  
तुम से प्रीतम को दुःख दीने, क्षमा करो सो भाई ॥५॥

Kucha caityālaya kucha śrāvakajana, kucha du:Khiyā dhana dēi ।  
Kṣamā-kṣamā saba hī sōm kahikē, mana kī śalya hanēi ॥  
Śatrūna sōm mila nija kara-jōrē, mairm bahu-kīnī burāi ।  
Tuma sē prītama kō du:Kha dīnē, kṣamā karō sō bhāi ॥5॥

धन-धरती जो मुख सों माँगे, सो सब दे संतोषे ।  
छहों काय के प्राणी ऊपर, करुणा-भाव विशेषे ॥  
ऊँच-नीच घर बैठ जगह इक, कुछ भोजन कुछ पय ले ।  
दूधाधारी क्रम-क्रम तजिके, छाछ-अहार पहले ॥६॥

Dhana-dharatī jō mukha sōm māṅgē, sō saba dē santōṣē ।  
Chahōm kāya kē prāṇī ūpara, karuṇā-bhāva viśēṣē ॥  
Ūm̄ca-nīca ghara baiṭha jagaha ika, kucha bhōjana kucha paya lē ।  
Dūdhādhārī krama-krama tajikē, chācha-ahāra pahēle ॥6॥

छाछ त्यागि के पानी राखे, पानी तजि संथारा ।  
भूमि माँहि थिर-आसन मांडे, साधर्मि-ढिंग प्यारा ॥  
जब तुम जानो यह न जपे है, तब जिनवाणी पढ़िये ।  
यों कहि मौन लियो सन्यासी, पंच-परमपद गहिये ॥७॥  
Chācha tyāgi kē pānī rākhē, pānī taji santhārā ।  
Bhūmi māṁhi thira-āsana māṅḍē, sādharmaī-ḍhiṅga pyārā ॥  
Jaba tuma jānō yaha na japē hai, taba jinavāṇī paṛhiyē ।  
Yōm kahi mauna liyō san'yāsī, pañca-paramapada gahiyē ॥7॥

चार-अराधन मन में ध्यावे, बारह-भावन भावे |  
दशलक्षण मुनि-धर्म विचारे, रत्नत्रय मन ल्यावे ||  
पैंतीस-सोलह-षट्-पन-चारों-दुइ-इक वरन विचारे |  
काया तेरी दुःख की ढेरी, ज्ञानमयी तू सारे ||८||

Cāra-arādhana mana mēm̄ dhyāvē, bāraha-bhāvana bhāvē |  
Daśalakṣaṇa muni-dharma vicārē, ratnatraya mana lyāvē ||  
Painṭīsa-sōlaha-ṣaṭ-pana-cārōm̄-du'i-ika varana vicārē |  
Kāyā tērī du:Kha kī ḍhērī, jñānamayī tū sārē ||8||

अजर-अमर निज-गुण सों पूरे, परमानंद सुभावे |  
आनंदकंद चिदानंद साहब, तीन-जगत्पति ध्यावे ||  
क्षुधा-तृषादिक होय परीषह, सहे भाव-सम राखे |  
अतीचार पाँचों सब त्यागे, ज्ञान-सुधारस चाखे ||९||

Ajara-amara nija-guṇa sōm̄ pūrē, paramānanda subhāvē |  
Ānandakanda cidānanda sāhaba, tīna-jagatpati dhyāvē ||  
Kṣudhā-tṛṣādika hōya pariṣaha, sahē bhāva-sama rākhē |  
Atīcāra pāñcōm̄ saba tyāgē, jñāna-sudhārasa cākhē ||9||

हाड़-मांस सब सूख जाय जब, धर्मलीन तन त्यागे |  
अद्भुत पुण्य-उपाय स्वर्ग में, सेज उठे ज्यों जागे ||  
तहाँ तें आवे शिवपद पावे, विलसे सुख अनंतो |  
'दयानत' यह गति होय हमारी, जैनधर्म जयवंतो ||१०||

Hāṛa-mānsa saba sūkha jāya jaba, dharmalīna tana tyāgē |  
Adbhuta puṇya-upāya svarga mēm̄, sēja uṭhē jyōm̄ jāgē ||  
Tahāñ tem̄ āvē śivapada pāvai, vilasē sukkha anantō |  
'Dyānata' yaha gati hōya hamārī, jainadharmā jayavantō ||10||

\* \* \* A \* \* \*